

**PARLAMENTARIO RICKY
HOEK PROPONE CAMBIOS
PARA APOYO A JÓVENES Y LA
INCLUSIVIDAD EN ARUBA**



WWW.SOLODIPUEBLO.COM



SOLODIPUEBLO@GMAIL.COM

CUATRO HOMBER RIBA BOTO DETENI



PROYECTO “SEROE COLORADO WORLD WAR II MEMORIAL” TA CONTA E PAPEL IMPORTANTE DI ARUBA DURANTE E GUERA



TAEKWONDO TEAM ARUBA ARUBA A GANA 4 MEDAYA DI ORO NA ORLANDO



SERVICIO DI ABATTOIR (VETERINAIRE DIENST) TA RECORDA COMUNIDAD RIBA NAN ORARIO PA TEMPORADA DRUK DI NOVEMBER Y DECEMBER

ARUBA-30.10.2024. Veterinaire Dienst ta recorda tur persona cu kier sacrifica un cabrito, carne of porco pa consumo mester haci esaki na Abattoir. Matamento di bestia na cas ta ilegal y por tin riesgonan pa salud di hende. Tur hende cu kier haci uso di servicio di Abattoir pa sacrifica un bestia durante luna di November y December 2024 por haci esaki for di Dialuna te cu Diahuebs, parti mainta cuminsando dialuna 11 di novemberte cu Diaranson 18 di December 2024. Riba Diamars 14 di Januari 2025 abattoir lo ta operacional atrobe.

Alabes ta anuncia cu e proceso di sacrifica animal na Abattoir ta tuma lugabase di cita. Doñonan cu ta desea di sacrifica un of mas animal pa come mester procura pa yama di antemano pa confirma cu su persona ta desea di haci uso di servicio di Abattoir. Esaki ta pa coordina e matansa na un manera mas estructura, cumpliendo cu reglanan di higiena y e prevencion di transmision di Influenza y Corona. Pa haci un afspraak por tuma contacto cu Veterinaire Dienst na telefoon 5224310 of 5224320 of pasa personalmente na Veterinaire Dienst Barcadera 1.

Ta pidi encarecidamente pa trece animalnan na e ora duna conforme e cita. Si no bin na e horario palabra, lo mester haci un cita di nobo. Un recordatorio cu sin cita bo persona no lo por ricibi servicio.

Riba e mesun dia di matansa ta bai cu e carni despues di e pago na administration; abattoir no tin servicio di warda carni y no ta responsabel pa cu esaki.

Tene na cuenta cu e ultimo dia pa mata bestia ta Diaranson 18 di December 2024 cu un capacidad limita; pues no warda te ultimo ora y traha bo cita di antemano.



Ban coopera hunto pa asina e proceso na Abattoir por bay na un manera planifica y trankil pa asina nos tur por pasa un bon fin di aña.

Pa mas informacion

like nos Facebook page Directie Volksgezondheid DVG Aruba, Follow nos riba Instagram directie_volksgezondheid_aruba, subi nos website www.dvg.aw, yama nos na 5224200 of mail nos na servicio@dvg.aw

LANDADO LEGENDARIO LOCAL DEAXO CROES A INSPIRA DURANTE “AHATA EXCELLENCE AWARDS 2024”

1 November 2024: AHATA Excellence Awards 2024 organisa pa Aruba Hotel & Tourism Association tabata tin e honor di presenta, Deaxo Croes, landado di distancia largo den awa habri, como Keynote Speaker di e gran evento. Conoci pa su logronan extraordinario den landamento, Deaxo a comparti su trayecto pa excelencia, captivando mas di 250 invitado cu su storia di perseverancia,

resiliencia y dedicacion. Deaxo Croes, ta e unico persona den nos historia local cu a landa di un pais pa otro den dos diferente ocasion, di Venezuela pa Aruba y di Boneiro pa Curaçao. E insights di e atleta su experiencia personal, ta algo cu a resona cu e audiencia y a conecta cu e aspiracion pa excelencia den tur ramo y profesion. Su presentacion a ilustra aspectonan clave di su trayectoria como

landado, incluyendo entre otro e importancia di planifica metanan cla, e disciplina necesario den practica y preparacion, formacion di un ekipo, con pa enfrenta y supera retonan, y comparti e victoria di cada logro.

AHATA ta extende un danki na Deaxo Croes pa relata su tremendo storia cu claramente a captiva tur invitado cu inspiracion y vigor nobo pa sigui resalta



y alcanza excelencia den nan bida personal y nan trabou indispensable den turismo. Como simbolo di gratitud, Tisa LaSorte,

CEO di AHATA, a regala Deaxo Croes un cuadro relevante y bunita di artista local, Armando Goedgedrag.

CUATRO HOMBER RIBA BOTO DETENI



Awe mainta un patruya di Wardacosta a haya un boto para cla cu 4 homber latino na bordo pa bai Venezuela den area na pir pabou di Barcadera. Na momento cu e personal di Wardacosta a bai controla e cuatro

personanan cu ta na e boto, a haya 2 Venesolano y 2 Colombiano. A bai cu e cuatro personanan y e boto na e base di Wardacosta na Savaneta. Dos di e personanan tawata tin nan documentonan huntu cu

nan y dos otro no tawata tin ningun documento huntu cu nan.

Wardacosta mesora a tuma contacto cu e 'Unit Mensenhandel en Mensenmokkel' (UMM) y UMM a indica, cu

dos di e hombernan cu nashonalidat Colombiano ta ser busca pa husticia na Aruba pa diferente robo.

E boto a ser confisca y lo keda na base di Wardacosta pa hasi mas investigacion.

E personanan cu tawata ser busca pa e robonan a bai cu personal di recherche di Cuerpo Policial di Aruba. E dos otro hombernan a bai cu personal di Guardianos Costa. E caso lo sigi den investigacion..



PARLAMENTARIO RICKY HOEK PROPONE CAMBIOS PARA APOYO A JÓVENES Y LA INCLUSIVIDAD EN ARUBA

Aruba, 2 de noviembre de 2024: El parlamentario Ricky Hoek, de la fracción de MEP, ha implementado diversas iniciativas que se enfocan en el bienestar social y la sostenibilidad para los jóvenes y las personas con limitaciones físicas en Aruba. Durante 2022-2023, su trabajo en el Parlamento ha incluido mociones para aumentar el apoyo legal y la infraestructura destinada a muchas personas vulnerables en la comunidad.

Uno de los logros más destacados de Hoek es su moción para apoyar el desarrollo de infraestructura para

jóvenes en detención. Esta moción se ha hecho realidad gracias a la colaboración del Ministro Rocco Tjon y del Ministro Endy Croes, y ha resultado en la creación de nueva infraestructura que asiste a los jóvenes mientras cumplen su detención, brindándoles la oportunidad de seguir desarrollándose y creciendo en un ambiente más seguro y positivo para su futuro.


Además, Hoek está trabajando en la creación de una ley de jóvenes (Jeugdwet) para compilar y organizar todas las leyes que aplican a los jóvenes, así como para introducir nuevas leyes para su protección. Esta

"Jeugdwet" se centra en la integración de las leyes actuales e incorpora las necesidades específicas de los jóvenes, creando una estructura más sólida para su protección y apoyo legal.

Otro esfuerzo notable es su moción presentada en 2022 para ampliar la cantidad de espacios de estacionamiento público para personas con limitaciones físicas. Hoek ha entregado esta moción al Ministro de Transporte para aumentar el número de espacios y facilitar su uso. El ministerio está trabajando en la ejecución final de esta propuesta para mejorar la accesibilidad de este grupo en la comunidad.

Un punto adicional de enfoque es la creación de un "rechtswinkel" (tienda de derechos) para jóvenes de entre 12 y 27 años. Este proyecto propone establecer un espacio que brinde ayuda a los jóvenes con información y orientación legal sobre temas que afectan su vida, como contratos de vivienda y pagos de DUO. La propuesta de Hoek está planificada para implementarse entre 2024 y 2028, con el objetivo de ayudar a los jóvenes a estar más preparados y conscientes de sus derechos y responsabilidades legales.

El esfuerzo del



parlamentario Ricky Hoek contribuye a un futuro más accesible e inclusivo para los jóvenes y la comunidad vulnerable de Aruba, promoviendo cambios y desarrollos sociales que benefician a todos los miembros de la comunidad.

Prome Minister Evelyn Wever-Croes: PROYECTO “SEROE COLORADO WORLD WAR II MEMORIAL” TA CONTA E PAPEL IMPORTANTE DI ARUBA DURANTE E GUERA Durante Segunda Guerra Mundial Aruba a hunga un rol importante pa aliadonan pa motibo cu Lago tabata e refineria mas grandi di mundo



Diahuebs mainta durante e lansamento di e proyecto “Seroe Colorado World War II Memorial”, Prome Minister Evelyn Wever-Croes durante su discurso a indica cu e idea pa e monumento na Seroe Colorado di Segunda Guerra Mundial a bin di señor Dufi Kock, historiador y ex-empleado di Lago. E mandatario a pasa palabra pa señor Dufi Kock pa e como historiador splica e importancia di e proyecto

contando e historia di e Segunda Guerra Mundial y e papel di Aruba.

Historiador señor Dufi Kock:

“Riba 16 di februari, 1942, pa 1:31 di marduga, Aruba a wordo ataca pa Alemania durante di di Dos Guerra Mundial. Habitantenan di San Nicolas a wordo sacudi den nan soño pa sonidonan di guerra. Trahadornan di e refineria no a bandona pia di trabao y a haci tareanan

peligroso durante e dianan cu a sigui pa proteha e refineria y Aruba. Aruba a bira e promer pais den hemisferio occidental cu a wordo ataca pa e regimen Nazi.

Aruba tabata hungando un rol importante pa aliadonan pa motibo cu refineria Lago tabata e mas grandi di mundo e tempo ey produciendo y entregando e gasolin pa avionnan di aliadonan por a bula y defende Inglatera den e bataya di Gran Britania y gana e Guerra na Europa contra Hitler.

Submarinonan Aleman a ataca tankeronan den waf di Aruba y esnan biniendo for di Venezuela, matando trahadonan di Lago riba e tankeronan Pedernales, Oranjestad, Tia Juana y San Nicolas. Den apenas tres ora y pico, 47 persona a perde nan bida, entre nan 12 Boneriano. E echo cu Capitan Hartenstein di e submarino Aleman



U-156 no a mira e tankero SS Hooiberg cu net na e momento ey tabata biniendo na e mesun sitio pa hancra, a evita cu mas victima a cay. Tambe e submarino U-156 a manda cañon riba e refineria, pero ningun a dal e 3000 tonelada di explosivo riba e waf, sino parti grandi di nos isla lo a wordo afecta, specialmente San Nicolas.

Despues soldanan Americano a yega Aruba pa reemplasa e soldanan

Britanico y na Seroe Colorado nan a construi cuatro estructura pa cañon grandi, dos bunker y un spotlight potente, tur esaki pa proteha Lago y Aruba.

Nos semper lo corda e frase di nos heroe di Segunda Guerra Mundial, Boy Ecury; ‘Den cas di mi tata, no tin luga pa traidor’, ken na un edad hoben di 22 aña a entrega su bida pa no muri como un traidor, pero como un heroe”.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



OTRO EXITOSO SEMINARIO DI HPHC CU A TOCA E TEMA DI “CO-PARENTING” Aruba Bank ta felicita Piso Tres



Oranjestad – 4 di november 2024 – Durante fin di siman, e seminario hopi anticipa “Co-Parenting in Harmony”, organisa pa Piso Tres, a tuma lugar cu hopi exito na Occasions Ballroom.

E seminario, en conexcion cu Dia Internacional di Mucha, a duna hopi conocimiento y recursonan pa tur participante riba e topico esensial di “co-parenting”.

E evento patrocina pa Aruba Bank, a demonstra e compromiso di sostene famianan y promove un ambiente saludabel pa e futuro generacionnan.

E focus principal di e seminario tabata pa duna tur participante strategianan practico tocante “Co-Parenting”, incluyendo tecnicanan di comunicacion, con pa resolve conflictonan, aspectonan legal, y planiamento consistente entre mayornan. E dia a conta cu oradornan

den diferente rango di experticio, manera un terapeuta di famia, un abogado di leyman di famia, y un coach pa mayornan, cu a lidera sesionnan interesante y tambe a conta cu un panel di “Real Talk”, dunando tipsnan practico riba con pa nabega e desafionan di “Co-Parenting”.

Cu un audiencia di 200 persona presente, e evento no solamente a duna balor educativo, pero tambe a duna un oportunidad pa mayornan conecta, comparti experiencianan, y crea un red di apoyo. E ehercicionan practico y discucionnan interactivo a ricibi entusiasmo y aprecio di e participantenan.

Aruba Bank ta orguyoso di por a forma parti di un iniciativa tan impactante, pasobra sostene famianan y contribui na e bienestar di nos muchanan ta un parti esensial di locual e banco ta kere den.



Clasificados

SOLODIPUEBLO@GMAIL.COM
CEL. 585 9500

Departamento di Cultura Aruba: Conmemorando Boy Ecury y tur luchador di resistencia nacional y den reino **APERTURA EXPOSICION LIBERTAD NA ARUBIANA BIBLIOTECA NACIONAL** Exposicionnan lo ta habri pa un luna durante dia y un y tur ta bon bini pa bin experiencia algo di nos historia



Den cuadro di e siman di conscientisacion dedica na Boy Ecury, diaranson na Arubiana (Biblioteca Nacional Aruba) a tuma luga e apertura di exposicion "Libertad" relaciona cu dia 6 di november proximo ta conmemora 80 aña cu Boy Ecury a wordo fusila.

skirbi pa e conocido ser presenta pa Pierre



Durante e anochi, e hobennan Guizza Steenvoorde y Genevan Maduro (participantenan di Arte di Palabra) a presenta un poema titula "Vrijheid"/ "Libertad". Coro Tuti Fruti bou direccion di Maybeline Arends- Croes a interpreta e cancion "Pakiko guerra?".


Un presentacion cu a capta hopi atencion tabata e presentacion di e monologo titula 'Heroe Lubida',

artista, autor di Teatro, miembro prominente den Kunstraad na Hulanda, Paulette Smit. Den su introduccion el a splica con a yega na e escogencia di Pierre Jourdain y Osvaldo Correa, cual a bay via un 'casting'. Despues a sigui cu training durante varios luna. E version na Papiamento a ser traduci door di Olga Buckley.

Ayera e monologo a

Jourdain kende ta un estudiante den accountancy na Hulanda y cu un pasion y don pa actua. Tambe por admira e exposicion di scolnan secundario, Filomena College, Colegio San Antonio y Monplaisir. Tabata un anochi hopi varia cu a deleita un sala yen. E exposicionnan lo ta habri pa un luna durante dia y tur hende ta bon bini pa bin experiencia algo di nos historia.

Prome Minister Evelyn Wever-Croes: UN CONSUL TA UN POSICION DIPLOMATICO SUMAMENTE IMPORTANTE DEN UN PAIS Y TA RICIBI E CORTESIANAN DI MAS HALTO Aruba ta conta cu Consulnan General y Consulnan Honorario



Consulnan ta representa diferente pais y ciudadanonan na pais Aruba y ta e herce un trabou hopi importante. Prome Minister Evelyn Wever-Croes, como minister encarga cu relacion exterior na Aruba, regularmente ta reuni cu Cuerpo Consular di Aruba cu ta representa e consulnan. Durante e ultimo reunion dia 31 di october a atende cu varios punto di interes general di tur consul y tambe pa mira con mas ainda, por fortifica e posicion di e consul na Aruba.

diplomatico sumamente importante den un pais unda semper e pais ta dunanan e cortesianan di mas haltu. Den e aparato gubernamental di Aruba varios departamento tambe ta traha hunto cu consulnan, principalmente Departamento di Relacion Exterior cu ta coordina tur trabou pa e consulnan.

Ta importante pa subraya cu un consul tin un posicion diplomatico y ta wordo respeta mundialmente pa cu esey. Aki na Aruba tin Consul General cu ta un consul di carera y Consul

Honorario, cu banda di nan carera ta atende cu trabounan consular pa un pais. Usualmente un pais cu tin un representacion grandi di ciudadano tin un Consul General y un pais cu no tin un representacion grandi pero igual di importante, tin un Consul Honorario.

Prome Minister den nomber di pais Aruba, tin un aprecio grandi pa e trabou cu cada consul ta haci representando nan ciudadanonan y e

mandatario semper ta traha pa sigui mehora e relacion y comunicacion entre Gobierno y e consulnan.

Un biaha pa aña Gobierno di Aruba bou liderazgo di Prome Minister ta organisa un recepcion pa honra y gradici tur consul, usualmente durante un fecha cerca di celebracion di Himno y Bandera y di e manera aki reitera e gradicimento na cada consul pa e trabounan cu nan ta haci pa yuda hiba

pais Aruba padilanti.

Aparte di esey Prome Minister tin reunionan periodicamente cu Cuerpo Consular unda ta atende aspectonan organisatorio y aparte di esey tambe e mandatario ta atende cu consulnan individualmente. Tambe Prome Minister ta reuni cu embahadornan ora nan bishita Aruba y asina fortifica relacionnan internacional cu pa Aruba ta hopi importante.

Un consul ta un posicion

Departamento di Cultura Aruba:

INVITACION SPECIAL PA COMUNIDAD PRESENCIA RESULTADO INTERCAMBIO CULTURAL ARUBA - COLOMBIA

Varios scol y academia di baile a participa y comparti y gana experiencia artistico di musica y baile



Desde diamars ultimo ta na Aruba e grupo Pacific Urban di Ciudad di Tumaco, Colombia pa un intercambio cultural. Varios tayer a ser organisa cu participacion di

diferente scol y academia di baile aki na Aruba, incluso Filomena College Mavo na San Nicolas. Departamento di Cultura Aruba conhuntamente cu Consulado di Colombia ta



invita pueblo di Aruba pa bin presencia e resultado di e intercambio cultural aki.

Esaki ta e prome biaha cu e hobennan talentoso aki ta biaha y nan a bin pa comparti tur nan talento y habilidad artistico cu bailenan moderno urbano y tambe resalta e musica, ritmo y bailenan tradicional.

E presentacion ta tuma lugha mañan diabierna, 1 di november, na Scol di Arte San Nicolas cuminsando pa 6:00 pm te cu 7:30 pm. Entrada lo ta completamente gratis.

Departamento di Cultura ta gradici Consulado di Colombia y Ministerio di Cultura di Aruba y

Colombia pa e exitoso intercambio. trabao di cooperacion y



PARLAMENTARIO TEVREDEN TA PIDI MAS FONDO Y APOYO PA CUIDO DI ADULTO MAYOR NA ARUBA



1 di november 2024: Fundacion Movimento ta Bida a gana e prestigioso premio Appeltjes van Oranje 2024. E premio aki ta reconoce e esfuerso di e fundacion pa mehora e bida di e adulto mayor na Aruba y ta un testimonio di nan compromiso cu bienestar social.

E premio ta un homenahe importante pa organisacionnan di bienestar cu ta duna un yudansa significativo na e comunidadnan na Hulanda y den Caribe Hulandes.

Parlamentario Hendrik Tevreden, lider di Fraccion di MEP a declara cu aki na Aruba, Fundacion Movimento ta Bida ta evalua e implementacion di varios programa y iniciativa pa mehora e cuidado di adulto mayor. Internacionalmente nan ta acudi na hopi conferencia

pa nan keda al tanto di tur desaroyo, entre otro Rafapana. Eynan nan a haya ta un bon contacto, pero tambe ideanan manera loke nan ta yama Red de Adulto Mayor Bogota.

Aki nan ta forma un grupo di boluntario pa yuda esnan cu ta duna cuidado (mantelzorg). Esnan boluntario ta duna un dia di descanso na esnan cu ta duna cuidado y ta traha e dia ey pa nan pa cuida e adulto mayor. Nan ta haci esaki den famianan cu tin mester ayudo of esnan cu no tin hende pa cuida nan na cas tambe. Nan ta yuda cu mayornan cu problemanan den barrio of famianan cu ta cansa ta wordo yuda pa un dia

Tevreden a sigui bisa cu na Aruba tambe por implementa algo asina. Mester mas man pa traha y boluntarionan ta un



manera pa haci esaki sigur. Nos tur lo bira adulto mayor un dia, el a expresa. Aruba ta conta cu mas of menos 2.500 participante na total den tur e 30 fundacionnan cu ta atende cu grandinan rond di e isla. Asina mes tin riba 20 mil adulto mayor cu no ta participando den areanan social y e fundacion ta desea pa mas di nan bira activo y no keda na cas solamente.

For di Parlamento, Parlamentario Tevreden lo haci e peticion pa Departamento di Salud Publico y Departamento di Mayor si nan lo por haci un encuesta y tira un bista mas profundo unda e otro 22 mil adultonan mayor ta den nos comunidad. Lo ta bon tambe pa bin cu ideanan despues di a inventarisa pa aumenta e participacion di nos grandinan den e tipo di fundacionnan aki cu ta

mantene nos grandinan activo mas largo cu por. Esnan cu ta 60-70 aña pariba ta e grupo mas grandi cu ta participando na actividadnan. Esnan riba 70 ta e grupo mas chikito cu ta participando y grupo despues di esey di no tin un bista mas cla unda nan ta, Hendrik Tevreden a remarca.

Loke si Fundacion Movimento ta Bida a remarca ta cu tin un lista di espera na cierto gruponan. Y pa tur e grandinan cu ta riba lista di espera e idea ta pa nan mes cu ayudo

di Fundacion Movimento ta Bida forma un grupo y asina no keda mas riba lista di espera.

Pa cu presupuesto 2025 Tevreden kier pa cada un fundacion, di cual ta 30 mas o menos, pa nan peticion pa haya fondo extra wordo concedi y lo boga den tratamiento di presupuesto pa e fondonan aki yega pa nan anualmente. Esaki lo yuda pa nan eventonan, y pa e cumpra material cu nan mester pa por funciona como fundacion. Awor cu tin surplus e mester ta posibel, segun Parlamentario Tevreden.

Clasificados

SOLODIPUEBLO@GMAIL.COM
CEL. 585 9500

BAN LANTA Y PLANTA



ORANJESTAD - Siman pasa Directie Natuur en Mileu (DNM) a haci un evento di “team building” na tereno di Ban Lanta y Planta. Na unda cu 10 colega a bini hunto na e tereno

di plantacion na Noord di e organisacion menciona. Conhuntamente cu e director di DNM, e team di DNM a planta 5 mata: Mahawa, Fofoti, Pal'i bonchi, Pal'i brazil y Pal'i siya blanco.

Tur ta matanan local y protegi. Manera por sigui ariba e plataforma social di DNM, nos a publica tur e sortonan di flora protegi y awo ta sigui cu e fauna protegi. E team a haya informacion completo di tur e matanan y un guia di e tereno con e ta mancha y conserva. E mainta aki tambe e team a prepara e tera, e suelo, carga awa pa muha e area cu ta bay planta e mata, y pone ‘mulch’ pa yuda cu e humedad no ta evapora mucho lihe. Manera cu director a pone riba e plataforma di DNM: “A planta awe, pa mañan, pa mañan nos tin fruta y sombra, pa nos tin naturalesa. Pa awe nos team a crece mas”. E organisacion ta aprecia e tipo di encuentronan aki y asina duna un aporte na e meta di “Ban Lanta y Planta”. Un proyecto cu a cuminsa hopi aña pasa manera un soño bou di hendenan cu ta stima naturalesa na Aruba. Nos a haya bishita tambe di un pareha pri-kichi, cu a pasa grita nos “bon trabou”.




Clasificados















SOLODIPUEBLO@GMAIL.COM
CEL. 585 9500









Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia 🎡 - November 03, 2024

	
Sorteo # 4438	
1948	
0084	
0703	
	
X5	
	
Sorteo # 4438	
4025	
	
X2	
	
Sorteo # 2494	
2393	
	
Sorteo # 4438	
1250	
Geminis	
	
Sorteo # 1312	
847	
	
X2	

		
Sorteo #		Joker Letter
0 x Jackpot		Proximo Jackpot
0 x Match 4+		130.000,-
0 x Match 4		
0 x Afl. 12,00		
		04-05-14-22-28
Sorteo # 6644		Proximo Jackpot
0 x Jackpot		58.000,-
5 x Match 4		
106 x Afl 8,00		

		
Sorteo #		Mega Ball
0 x Jackpot		Proximo Jackpot
0 x match 4		280.000,-
0 x Afl. 500,00		
0 x Afl 50,00		
0 x Afl.15,00		
		Afl. 380.000,-
		
Sorteo #		



Sorteo # 6644

0 x Jackpot

5 x Match 4

106 x Afl. 8,00

04-05-14-22-28

Proximo Jackpot

58.000,-



Sorteo #

0 x Jackpot

0 x match 4

0 x Afl. 500,00

0 x Afl. 50,00

0 x Afl. 15,00

Mega Ball

Proximo Jackpot

280.000,-



Sorteo #

0 x Jackpot

0 x match 4

0 x Afl. 500,00

0 x Afl. 50,00

0 x Afl. 15,00

MEGA REUS

Proximo Jackpot

Afl. 380.000,-



Sorteo #

0 x Jackpot

0 x match 4

0 x Afl. 500,00

0 x Afl. 50,00

0 x Afl. 15,00

Proximo Jackpot

280.000,-



MINISTER MADURO DI CULTURA A HACI APERTURA DI E EXPOSICION 'SCLAVITUD Y FORTALEZA' NA MUSEO ARKEOLOGICO NACIONAL ARUBA



Un exposicion viahero di posternan cu diez storia real di participacion di Hulanda den sclavitud

Diamars anochi Minister Maduro di Cultura tabata presente na Museo Arkeologico Nacional Aruba pa haci apertura di e exposicion 'Sclavitud y Fortaleza' cu ta un exposicion viahero di posternan cu diez storia real di participacion di Hulanda den sclavitud.

Pa e ocasion e mandatario a hiba palabra den cual ela splica cu Aruba tambe tin su storianan unico di sclavitud y fortaleza. Un di nan ta e storia di Fransisca kende tabata un di e 480 catibonan cu despues cu a aboli sclavitud na Aruba na aña 1863, a haya tereno di Gobierno pa haci su biba den libertad. Fransisca ta forma e reis di cua Famia Ecury a spreit, un famia cu a muestra fortaleza y resiliencia pa adapta na cambi-

onan y aporta na desaroyo di Aruba. Un historia cu a ser capta den e documentario 'Francisca y Eugenio' produci pa Rebecca Roos Productions y financia pa UNOCA, cu por wordo mira den e Fruteria cu tabata e negoshi cu Fransisca a lanta y dirigi exitosamente. E exposicion 'Sclavitud y Fortaleza' awe por wordo aprecia den e mesun Fruteria aki di Fransisca na Museo Arkeologico Nacional di Aruba.

TA BUSCA

PERSONAL PA TRAHA
NA " MARTYOU UNISEX CARING
SALON"

**PERSONA PROFECIONAL :
UN ESTILISTA- UN BARBERO Y
UN MANICURISTA**

TEL: 561-8504 OF 746-3489

TAEKWONDO TEAM ARUBA ARUBA A GANA 4 MEDAYA DI ORO NA ORLANDO



Den fin di siman Taekwondo Team Aruba a participa den e di dos Worldwide Martial Arts na Orlando, Florida organisa pa Antwuan Wilson cu mas di 425 participante for di Puerto Rico, Santo Domingo, Trinidad & Tobago, Serbia, Aruba, Atlanta, Georgia, Florida y mas.

Samantha Erasmus tabata e prome participante di Aruba cu a gana tur dos di su contricantenan y a logra Medaya di Oro. Aidan Klaber, Jethro de 'Lisle y Django Mathew a gana tur nan peleanan y a haci cu Aruba a gana 4 Medaya di Oro.

Xenon Nurse a gana su prome pelea, pero su di dos pelea a termina den e cama di e dokter y a logra gana Medaya di Brons. Quinten Klaber y Jeroan Nicholson

a keda na Medaya di Brons. Nakiomy del Rosario a duna tur di su banda, pero e Mericano tabata hopi mas bon y Nakiomy del Rosario e termina cu Medaya di plata.

Rachid Erasmus a haña lesion den e pelea di TK5 y no por a bringa mas. Xamier Lake a wordo descualifica, pasobra el a dal su contricante mucho duro pa cabes y e referee a usa Junior safety rules.

Den e TK5 Aruba a enfrenta Merca cu a bin bon prepara pa Aruba y for di e prome rond caba Merca a mustra di ta mas fuerte cu Aruba y a gana Aruba 38 pa 14. Den e di dos rond Aruba a trata di tur manera pa bin bek, pero e Mericanonan a bin hopi mas duro y a logra gana Aruba cu un score di 64 pa 25.



System Time	Round	Round time	TYPE	J1	J2	J3	H1	Blue Add.	J1	J2	J3	H1	Red Add.	Value	Score
02/11/2024 09:15:38.645	2	00:14:711	RED, BODY, HIT										12	12	6-10
02/11/2024 09:15:38.645	2	00:14:711	RED, BODY, POINT										12	12	6-10
02/11/2024 09:14:50.728	2	00:07:000	RED, BODY, POINT										12	12	6-10
02/11/2024 09:15:38.665	2	00:00:000	TIMEOUT												
02/11/2024 09:15:40.000	3	00:00:000	OT, BLUE, BODY, HIT					1						1	6-10
02/11/2024 09:15:40.753	3	00:00:000	RED, BODY, HIT												6-10
02/11/2024 09:15:40.753	3	00:00:000	RED, BODY, HIT												6-10
02/11/2024 09:15:40.753	3	00:00:000	RED, BODY, HIT												6-10
02/11/2024 09:15:40.753	3	00:00:000	RED, BODY, HIT												6-10
02/11/2024 09:15:40.753	3	00:00:000	RED, BODY, HIT												6-10
02/11/2024 09:15:40.753	3	00:00:000	RED, BODY, HIT												6-10



Clasificados

SOLODIPUEBLO@GMAIL.COM
CEL. 585 9500

SABIDURIA DEN NOS ALEGRIA


Skirbi pa Ruthy”Lady Ruth”Vrieswijk-Bergen

Ahaaaaa! Nos relato nobo p’e siman aki, di curason y cu hopi sabiduria den nos alegria ! Nos ta corda con dushi nos a pasa recientemente riba Plaza Niki Habibe dilanti Djiespies, un anochi dushi bunita y special cu reconocimiento pa nos comerciantenan den cuadro di e 200 anja Oranjestad. Un fabuloso actividad organisa pa Fundacion Rancho hunto cu Djiespies. E banda Nos cu Nos a deleita e publico presente y e comerciantenan presente a ricibi nan reconocimiento. MC Percy Jeandor y Sra. Mickie Gravenhorst a guia e programa cu nan tokenan special , y den fondo “behind the screens” tawata e fabulosa y talentosa hende muhe Abigail Arends y e guapo gentil cabayero Frank Tieleman, y su subrina beautiful Christina. Oh ki dushi e ice cream a baha ! Esaki tawata otro dushi sorpresa pa e anochi fabuloso aki, Lady Ruth a saborea su dushi ice cream cu a baha e calor mes ora ! Ivy Goeloe y Lady Ruth a recita un bunita poema pa inspira nos comerciantenan pa sigui cu nan bon trabao na bienestar di pueblo cu mas y mas ta bishitando nos centro Oranjestad atrobe. Durante e momentonan musical, e pueblo dushi di Aruba cu ta bishitando Djiespies Happy Hours ariba Diabierna, a los e pianan y heupnan un crenchi riba e tononan alegre di “Nos cu Nos” cu e tremendo cantante Antonieta Ras Booi cu su bunita bos y otronan. Un di nan fiel bishitantenan bunita cu ta bayla non-stop henter anochi cu su movecionnan alegre, suave bunita ta Dineke, nos reina bailador di Djiespies Happy Hours tur tur Diabierna sin falta ! Dank je wel lieve mooie Dineke ! Bo ta e curason di e fiestan na Djiespies ! Algo sumamente bunita y grandi, cu tin comerciantenan cu tin 60 anja of mas cu nan ne-



goshinan den centro di playa, den Oranjestad. Nan a keda cococha lucha y keda firme y fiel na nan clientenan pa hopi hopi anja. Algun di nan : Lucor Jewellery, Maggy’s, Tieleman’s, y La Moderna di Chipi Chipi Benji Pick. Tambe e theater di cine Rialto of ta Gloria di famianan De Veer, cu awor ta na otro lugar riba nos isla, y Checkpoint color di famia Vermeer-Luydens cu su cambionan hopi creativo y ketobay tur cu nan excelente servicio. Un di e negoshinan cu tambe tey ketobay “going strong” ta Palais Oriental. Y otro negoshinan mas jong den nan anjanan di existencia, cu tambe ta kere den nos hendenan y ta duna bon servicio. Ken no ta corda La Linda cu tambe a existi pa hopi anja, pero cu ya no tey mas ? Algun di e nobonan manera Coffee Break y Chubatos, pega cu Djiespies Place, cu tambe ta lugarnan hopi agradabel pa bishita, sinta combersa y bebe algo friew of cayente, dal un “hapje”, of un pida bolo . Nos capital Oranjes-

tad tin bida, tin rosea, tin movecion sigur ! Nan prijsnan ta razonabel na cartera di tur. E mallnan ta mas tanto pa turista cu prijsnan halto na dollars. Ta trahando duro pa trese mas bida y mas movecion y tambe mas turista den Oranjestad. Pabien na Fundacion Rancho pa trabaonan excelente na bienestar di progreso den Oranjestad. Pabien na Sr. Clifford Rosa y su dinamico team y of comishon cu ta sigui bin cu hopi bon programa y actividadnan. Nos ta termina nos relato di awe, gradiciendo dos otro miembro trahador bunita di Wit Gele Kruis, cu ta sigui impacta den nan bon y bunita trabao atendiendo nos grandinan tur rond di Aruba. Corinne y Shareen , masha masha masha danki pa boso bon trabao cu amor den boso curason ! “You are the blessings”. Pasa un bon dia colma di salud, bendicion y alegria ! Un “bearhug” pa boso tur, nos dushi hendenan di Aruba ! Danki pa lesa nos relato di awe.



PAY AS YOU CAN

Piedraplat ☎ 582 0000
Sanicolaas ☎ 584 8888 | 5820000
Habri dialuna pa diabierna | 8:00am-4:00pm

Olive Tree Social Department ☎ (+297) 743 7411
www.olivetreefuneralhome.com

ORACION DI DIA



Un feliz dia bendiciona colma cu hopi amor, fe y speransa den nos Bon Dios

Despues di un rato e cria a bisa su shon: ‘Señor a cumpli cu bo ordo, ma toch a sobra luga!’ (Lucas 14: 22)

Nos ta forma un solo curpa pa medio di nos union cu Cristo y nos ta uni mescos cu partinan di un solo curpa (Rom. 12: 5). E cria lo a haya duele ora prome invitadonan a nenga. Asina mes el a sigui cumpli cu ordo di su shon y aunke el a cumpli toch a sobra luga. Esaki ta muestra cu e ta persevera y cumpli cu zelo cu su shon y ta na paz. Nos tin cu traha pa, y sirbi Señor cu zelo (Rom. 12: 11). Pero, Señor tin mas luga, pues e capacidad pa invitadonan pa e reino di Dios ta surpasa e expectativa di cada un di nos. Hesus ta siña nos pa cumpli cu ordo di Tata. Aunke nos por pasa den tribulacion y perseverancia, oracion constantemente ta yuda paso e speransa cu nos tin lo haci nos contento (Rom.12: 12). Paso cerca Señor nos ta na paz manera un yiu cerca su mama (Salmo 131).
Oracion: Señor regala nos gracia pa nos comparti donnan conforme Bo boluntad y biba den harmonia cu otro.
Amen.

Finalistanan di Erfgoedvrijwilligersprijs 2024 a keda anuncia. Vota Awor!

Proyecto Biba Nos Herencia ta representa islanan di Reino den Caribe



Riba 13 di december 2024 minister Eppo Bruins di Enseñansa, Cultura y Ciencia lo entrega e Erfgoedvrijwilligersprijs 2024 (Premio boluntario di patrimonio). For di un total di 76 registracion a scoge 12 finalista- un di cada provincia y un di e islanan di Reino den Caribe. E teamnan di boluntario selecciona ta competi pa e premio di €10.000,-. Publico por vota te cu dia 30 di november 2024 pa nan proyecto favorito.

Tocante e finalistanan:

Durante e periodo di nominacion a ricibi registracion di proyectonan di tur provincia y e islanan den Reino Hulandes. Den colaboracion cu Fundacion OPEN a scoge e finalistanan di cada provincia.

- Zeeland Museum Cultuurforum Aardenburg
- Caribisch Nederland Lang Leve(n) het Erfgoed Aruba
- Friesland Team Klompenmakerij van De Sûkereij
- Drenthe Olie- en Korenmolen Woldzigt
- Gelderland Fort Pannerden
- Flevoland Polder Pioniers Zeewolde
- Limburg Werk-

- groep ‘Mijnverleden Staatsmijn Maurits’
- Noord-Brabant Erfgoedgroep Behoud Cultuurhistorisch Erfgoed Zuidwesthoek
 - Noord-Holland Vondeldams Museum
 - Overijssel Historische Vereniging Wijhe
 - Utrecht Archeolab Museum Hoge Woerd
 - Zuid-Holland Openluchtmuseum De Duinhuysjes

Finalista ‘Biba Nos Herencia’ (Lang Leve(n) Erfgoed)

Stichting Monumentenfonds Aruba ta encarga cu restaura, mantene i maneha monumentonan na Aruba cu ta pertenece na e fundacion. E proyecto “Biba Nos Herencia” ta celebra e preservacion di Aruba su herencia cultural. Pa medio di workshop i actividadnan, boluntarionan ta comparti nan pasion. E competencianan di fotografia ta trece un bista riba nos patrimonio cultural. Tur luna, mas o menos 20 amante di cultura y fotografia ta topa pa hunto ku e Fotocoach i Storytellers, descubri y captura e storianan tras di nos monumentonan. E storianan y miles di fotografia ta wordo comparti riba Instagram i lo forma parti na final di un exposicion y publicacion. Asina, cultura i historia di Aruba ta bira

mas accesibel pa un publico mas amplio y e comunidad internacional. E team di boluntarionan di Aruba ta consisti di; Natalie Liao Jen, Julie Thode, Alexia Semeleer, Dyanne Lopez Schipper y Arielle Croes . Lesa mas tocante e proyecto

Votacion

For di awe publico por vota pa e finalistanan via di: <https://www.erfgoedvrijwilligersprijs.nl/stemmen> Aki bo por mira video di tur e teamnan participante caminda e boluntarionan ta introduci nan proyecto. Por vota te cu 30 di november 2024. E opinion publico ta conta pa 50 %. Na principio di december tambe un hurado independiente, dirigi pa Ingrid van Engelshoven (eks-minister di Enseñansa, Cultura y Ciencia) lo selecciona nan top 3 finalistanan. E opinion di e hurado ta conta pa otro 50%.

Ceremonia di Premio riba 13 di december.

Diabierna 13 di december 2024 lo tuma lugar e ceremonia di premiacion den Koninklijke Schouwburg na Den Haag. Durante e ceremonia lo anuncia e ganadornan y haci entrega di e cheque di € 10.000. Mitar di e suma ta pa gasta libremente na por ehempel actividadnan p’e team y e otro mitar lo ta pa inverti den promove traspaso di conocimiento den e area di trabou boluntario. E teamnan na di dos y di tres lugar lo ricibi €5000 tambe pa comparti den gastu general y inverti den traspaso di conocimiento. E entrega di premio lo ta extra festivo door di e presencia di e embahadora di Open Monumentendag, Janny van der Heijden, cu

lo guia e ceremonia y presenta e historia tras di tur e finalistanan. E ceremonia ta pa tur hende cu registra na tempo pa un entrada gratuito via e website.

Erfgoedvrijwilligersprijs

E Erfgoedvrijwilligersprijs a wordo crea na 2020 pa e Ministerio di Enseñansa, Cultura i Ciencia, como un muestra di aprecio pa e cantidad di boluntarionan cu ta traha den sector di patrimo-

nio. Minister Bruins: “Duisenden vrijwilligers zetten zich met hart en ziel in voor het rijke Nederlandse erfgoed. Prachtig dat zij het verleden verbinden met het heden en de toekomst van hun omgeving. En dat rond monumenten, ambachten, musea en ander erfgoed levendige gemeenschappen ontstaan en voortbestaan. Ik vind het heel belangrijk dat deze vrijwilligers met een prijs de eer krijgen die ze toekomt.”



	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	

8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

Validez di e listanan di candidatonan

Oranjestad, 2 di november, 2024- Hoofdstembureau ta informa cu lo tin dos sesion publico

accesibel pa tur votado tocante e validez di e listanan di candidatonan.

E proceso ta inicia dia 1 di november 2024 unda Hoofdstembureau ta reuni den un sesion cu

no ta publico pa revisa e lista di candidatonan cu a wordo entrega dia 18 di october 2024 pa

asegura cu e lista di candidatonan ta conforme cu e ley di Ordenansa Electoral.

Tur partido politico lo wordo notifica dia 4 di november 2024 via email tocante e coreccionnan

necesario cu mester haci riba nan lista y tin te cu dia 7 di november 2024 pa haci

e coreccionnan necesario.

Despues ta sigui cu e prome sesion publico di Hoofdstembureau pa oficialmente anuncia e

validez di e lista di candidatonan dia 8 di november 2024 pa 10:00 AM.

Den caso cu no tin apelacion den dos dia contra di e decision aki, Hoofdstembureau lo procede

cu lot pa numera e listanan y asigna color (tambe via di lot si ta necesario) den un sesion

publico dia 13 di november 2024 pa 10:00 AM.

Si acaso tin apelacion na Corte tocante e validez di e lista di candidatonan, e sesion di

numeracion y asignacion di color lo tuma lugar mas tarda dia 21 di november

2024.

Hoofdstembureau ta invita tur votado y interesadonan pa tuma nota di e sesionnan publico cu lo

tuma lugar na Registro Civil y Censo riba e fechanan menciona ariba y pa keda pendiente pa e

link virtual di e livestream cu lo wordo publica riba nos rednan social.

Pa mas informacion, bishita e website oficial di Consejo Electoral Aruba na er.aw y sigui nan

na Facebook y Instagram @consehoelectoralaruba. E plataforma nan lo sirbi como un recurso

importante pa votadonan, partidonan politico y publico general, pa keda al dia cu anuncianan,

fecha nan y guia relevante pa e eleccion di Aruba

OE AZV ta informa: Yegando etapa final di e destaho publico di cuido medico den exterior

Ta un placer pa Organo Ehecutivo AZV (OE AZV) informa su aseguradonan cu e team encarga cu e negociacion di contractonan nobo cu clinicanan di Colombia ta casi yega e ultimo etapa di e destaho publico. E trayectoria di escogencia di e clinicanan a keda concretisa pa medio di tres punto di atencion principal, esta:

1. Calidad medico;
2. Eficacia di proceso, incluyendo e experiencia di pashent na Colombia e.o e tempo di espera pa haya afspraak.
3. Finanzas.

Banda di e tres puntonan aki, cada clinica por a “score” extra punto na momento cu nan oferta ta encera solucionnan creativo pa por ehempel tarifa, cierto situacionnan medico di pashent, estilo di maneho y descuento di tarifa. Pa percursu cu OE AZV haya mas sosten posibel den nan escogencia di clinica, a busca un auditoria obhetivo tambe pa verifica e proposicionnan (ofertanan) financiero e.o basa riba casonan medico real.

Bishita di Colombia
Entre tanto, basa riba analisis extenso AZV a haci su escogencia. Recientemente nos a haya bishita di tres clinica di Colombia cu a keda selecta, esta Fundacion Valle de Lili (Cali), Hospital Pablo Tobón Uribe (Medellín) y Fundación Cardioinfantil (“La Cardio”, Bogotá). Durante e bishita cada cli-

nica a haya e oportunidad pa duna nan presentacion y intercambia informacion clave tocante nan servicio y oferta. Pa haci miho uzo di e presencia di e clinicanan Colombiano na Aruba, OE AZV a percursu pa un agenda di actividad cu tabata encera diferente bishita na entre otro Horacio Oduber Hospital y ImSan. Asina a brinda cada clinica Colombiano e oportunidad pa nan tambe haya un miho bista di kico tur e infraestructura medico di Aruba tin y ta ofrece. Mester menciona cu OE AZV a ricibi hopi elogio ya cu e clinicanan Colombiano a keda impreciona cu loke Horacio Oduber Hospital y ImSan tin.

Encuentro fructifero
Otro experiencia hopi interesante tabata e encuentro entre e expertonan di Colombia y e specialistanan medico di Aruba. Hopi bunita tabata pa wak e interes grandi di e gran mayoria di e specialistanan medico di Aruba. E encuentronan aki a conta cu e presencia di e ramo di oncologia, cardiologia, pediatria, oftalmologia, urologia, ortopedia y e especialista di stoma, higra y tripa. Actualmente e negociacion entre OE AZV y e clinicanan ta andando den cual e ultimo revisionnan lo por wordo haci pa ambos parti, cu e meta pa firma pa fin di november. Pa OE AZV ta nifica cu entrante 1 di januari 2025 ta spera pa cuminsa traha cu e clinicanan aki.

DIA 30 DI NOVEMBER PROXIMO, DURANTE ARUBA FASHION WEEK, RONCHI DE CUBA LO PRESENTA SU HAUTE LABEL “ARUBA ALEGRIA”



Nos maximo diseñador di moda, Ronchi, lo presenta su Haute Label durante Aruba Fashion Week. E coleccion maximo di nos diseñador local ta wordo presenta cada 5 anja. Na 2019 por a aprecia e coleccion durante “30 Years of Style” su celebracion di 30 anja den moda. Awor pa 2024, celebrando 35 anja como diseñador di moda y productor, Ronchi ta cla pa presenta un otro espectacular coleccion. E biaha aki cu e inspiracion “Aruba Alegria”.

Un coleccion cu ta e punto

climactico di moda di nos pais. Colorido, energetico y cu telanan exquisito e RONCHI DE CUBA Haute Label pa 2025 sigur lo acapara atencion. Manera ta custumber Ronchi semper ta usa mayoria di modelo local pa su desfile y ta concentra ariba diversidad di look. “Mi a realisa mi propio casting y a mira locual e evento tin pa ofrece y asina a jega na e modelonan cu lo cana mi pasarela” Ronchi a duna di conoce.

Pa locual ta trata e coleccion Ronchi ta informa “Alegria Aruba ta un coleccion di nos maximo label RONCHI DE CUBA Haute Label. E ta encera e vibracion di nos isla. E alegria di nos hendenan. E carisia di nos biento y e sunchi di nos solo”. Algo

no usual mirando cu Ronchi semper ta wordo inspira door di Aruba.

E diseñador ta pone enfasis ariba e falta di apoyo pa nos diseñadornan local. “E entidad local concerni cu turismo y otro industrianan mester por aporta mas na nos creativobab local” Ronchi ta informa. “Quizas un fondo apart disponibel pa desaroya talento local lo ta na su lugar” Ronchi ta bisa.

Ronchi ta invita Aruba en general pa presencia e Aruba Fashion Week y asina apoya e diseñadornan local cu ta participando.

“Pa locual ta trata mi show por spera piezanan deslumbrante cu ta representa nos isla y su alegria” Ronchi ta finaliza.



FORTALEZA PA FAMILIA

Scirbi pa Pastor Marcel Balootje.

MAYOR TENE BON CUENTA CU KEN BO YIU TA SALI, Y NA UNDA E TA BAY



Hopi mayor lo por contesta con mi por sa? E por bisami e ta bay tal caminda, pero ora e sali e ta bay otro caminda.

Si y hopi di nan tin razon, pasobra amor y sinceridad, pa hopi tempo caba a wordo horta for di hubentud, y poco poco mayornan a bin ripara cu amor y sinceridad ta bini for di cas.

E tempo cu tabata wordo inverti den muchanan antes, awor aki a bira un tempo caro, y hopi biaha esey ta notable den bida di e mucha, ora nos wak su comportacion, y actitud rebelde.

Hopi hende ta criando yiu-unan digital, cu ta ricibi mensahe for di telefon tur dia, y cu e mayor mes ta trahando dos trabao, of hopi biaha tin un bida, cu no ta un bon testimonio pa e mucha.

Nos ta bibando den un tempo trabahoso den cual costo di bida, ta subiendo mescos cu e solo cu ta kima tur dia, y cu ningun hende no tin un solucion pe.

Mayor ta sali di trabao bay gym, sin tene cuenta con situacion ta na cas,

Mayor cu ta traha warda ta

acepta di nan hefe, ora nan a subi 7 pa 3 y e hefe bin pidi pa keda te cu 11 anochi sin tene cuenta cu e falta cu nan ta haci na cas, pero ta mas importante e placa cu ta bin den saco.

E relacion entre mayor y yiu mester ta hopi balora, e mester ta a base di puro confiansa, pasobra e dianan ta malo.

Un mucha mester obedece su mayor, pasobra na prome lugar esey ta mandato di Dios, pa tur yiu honra nan tata y nan mama.

Pero e mayor tambe mester pone tempo personalmente pa su yiu, pasobra pa falta di tempo y atencion, e enemigo ta cohe ventaha den bida di un hoben.

Na prome lugar e berdad di e palabra di Dios, mester ta conoci den bida di un mucha, y esey ta su mayornan tin cu haci esey.

Na di dos lugar, e bida di e mayor, mester ta un testimonio pa e yiu, e bida di e mayor ta e prome ehempel pa e yiu sigi, pasobra mayornan ta mentornan estableci pa Dios.

E amor y sinceridad di mayor ta e fuente di dependencia su yuinan, mas amor y sinceridad tin den un hogar, mas hoben din-

amico y integro nos lo tin den sociedad.

No stima mundo y e cosnan cu tin den mundo. Si un hende ta stima mundo, e amor di e Tata no ta den dje. Pasobra tur loke tin den e mundo, e deseo di carni, y e deseo di wowo, y e orguyo di bida, no ta bini di e Tata, sino di e mundo. Y e mundo ta pasa bay y su deseonan tambe, ma esun cu ta haci e voluntad di Dios ta permanece, pa semper. (1Juan 2;15-17).

Deseonan di carni no ta solamente tocante bida sexual, pero ta contene tur locual ta inmoralidad cu por daña bida di hende, y tambe cosnan ilegal manera uso di droga. Y locual ta domina nos hubentud awendia cual ta buracheria.

Si nos tene cuenta con bebemento a aumenta bao di nos hubentud, nos tin cu bisa cu e ta alarmante, ya no tin edad pa bebemento mas, parce manera tur dia ley ta wordo kibra y alcohol ta wordo bendi na nos hubentud, pasobra hende no ta tene cuenta cu edad, benta ta benta, y no ta importa consecuencia.

Ban cubri nos yuinan bao di oracion tur momento.

C-INNOVA KAS CONSTRUCCIÓN

ta buska PAINTERS,
AYUDANTE CONSTRUCTION
Y CARPENTERS
solamente cu
PASSPORT HULANDES OF
FIRMALIBER Y PERMISO PA TRAHA

TEL.7341168 - 5940486
TANKILEENDERT 37-A

Clasificados



SOLODIPUEBLO@GMAIL.COM
CEL.585 9500



MARAVILLAS DE LA FE

SALUD SUERTE AMOR

• **BO TA SUFRI DI MALESA NAN CU BO NO POR CURA ?**

MANERA ARTROSIS, ALZAHEIMER, EMENCIA, DEPRESSION, DIABETES, OSTROPOROSIS, PARKINSON, INSOMNIO, DOLOR DI BARIGA, WESO. ETC

• **BO TA BEBE REMEDIY BO NO TA CURA?**

• **BO TA VICTIMA DI BRUHERIA?**

COMUNICA CU MARAVILLAS DE LA FE NA 7485671

• **BO NO TIN SUERTE?**

• **BO SEN NO TA YEGA ?**

• **BO TA BAI CASINO I PERDE TUR BO PLAKA?**

COMUNICA CU NOS NA 7485671

• **BO TIN PROBLEMA DI AMOR ?**

• **BO PAREHA TA GANA BO ?**

FRACASO - SOLEDAT - ANGUSTIA



7485671